

PARLIMEN MALAYSIA
PEMBERITAHU PERTANYAAN DEWAN RAKYAT

- PERTANYAAN** : LISAN
DARIPADA : Dato' Haji Mohd Fasih bin Haji Mohd Fakeh [Sabak Bernam]
TARIKH : 25 Mei 2016
SOALAN : Dato' Haji Mohd Fasih bin Haji Mohd Fakeh minta **MENTERI PERTANIAN DAN INDUSTRI ASAS TANI** menyatakan langkah Kementerian bagi mengatasi masalah kekeringan air sawah padi masa kini kesan fenomena El Nino yang melanda negara sekarang yang menyebabkan jadual penanaman padi terpaksa ditangguhkan beberapa kali.

JAWAPAN

Tuan Yang Dipertua,

Bagi mengatasi masalah kekeringan air sawah padi masa kini, pihak Kementerian berusaha memastikan ke arah pengurusan air yang baik. Secara umumnya, kawalan pengurusan air adalah seperti berikut:-

- i. Mempraktikkan giliran air mengikut kawasan dan kompartmen; dan
- ii. Mengawal bekalan air masuk ke blok-blok pengairan secara berperingkat.

Seterusnya, langkah-langkah lain yang telah diambil adalah seperti berikut:-

- i. Menggalakkan pelaksanaan kaedah tanaman secara konsep "tabur-terus-kering";
- ii. Menambah pembelian pam dan meningkatkan penyelenggaraan pam bagi tujuan pengairan; dan
- iii. Semakan semula Jadual Penanaman Padi untuk melewati jadual sekiranya keadaan memerlukan.

Pemantauan di peringkat Kementerian dan agensi-agensi yang terlibat dibuat dari masa ke semasa dengan lebih kerap bagi memastikan kesan fenomena El Nino ini dapat ditangani dengan kadar segera turut dilaksanakan.